

Somersetgift stappie (12-13 September)

Stappers: Gerrit Kritzinger (Leier), Hugo Kritzinger, David Conradie

Na 'n Wimpy mega-koffie en wafel vir brunch in Swellendam is ons 3 oppad na die Somerset Gift plaas wat langs die Buffelsjagsrivier geleë is. Die plaas is in 'n mooi vallei met n paar huisies wat mens kan huur. Ons het die eienaar van die land en sy vrou vinnig ontmoet voor ons skoene aangetrek het en oor die koeivelde gestap het na die begin van die roete. Net na die weivelde moes die skoene eers weer uit want daar was n “klein” stroompie wat oorgesteek moes word. Toe begin



1: Blomme langs die pad

die opwaartse trap. En opwaarts het hy gebly vir die meeste van die pad. Fase 1 was geklassifiseer as die voorberg en pragtige blomme was oral te sien langs die pad. 'n Vurk na links, so halfpad deur fase 1 was 'n potensiële kortpad maar dit was baie toegegroei en daar was besluit om eerder die langer pad te vat. Na 'n skerp links draai wat die begin van fase 2 aandui, het ons n

breek geneem en kortbroeke was verruil vir langeres. Die natuurlike flora

het in die afwesigheid van stappers nogal welig begin groei en dele van die paadjie was baie moeilik om te sien en dit was maklik om die pad byster te raak. Die teenoorstaande berge was gestrooi met geel en pienk blomme en die geluid van 'n pragtige waterval aan die regterkant het die moegheid so bietjie minder gemaak. Fase 3 was 'n baie steil opwaartse stappie tot bo-op die middel berg. Die weer was ietwat bewolk maar perfek vir stap. Uitsigte was asemrowend. Fase 4 was sekerlik die gelykste deel maar met die ergste “bundu-bashing” aan die einde. Die bosse was op plekke hoër as ons en ons kon net mekaar se stemme volg. Daarna fase 5 wat 'n meestal afwaartse en gelyke stap was na die oornag oorhang. Met die aankoms by die slaapplek was welverdiende droëwors en heerlike kaas-en-koekies ge-eet as 'n voorgereg. Voor dit te donker geraak het, het ons begin met kosmaak en op die spyskaarte was pofadders (langwerpige skilpadjies) en



2: Leier Kritzinger wat die pad vind



3: Uitsig oppad af



4: Deur die bossies

wraps. Whiskey en betroubare OBS was geniet saam met praatjies van die army dae. Met matrassies op die grond en die gedruis van n rivier langs ons het ek begin wegknik. Die windjie het nogal gestoot deur die aand en ons het verbasend eers byna 10 uur die Sondagoggend begin ontwaak. 'n Heerlike bacon en eier-ontbyt was bedien en die pad terug kar toe was weer aangedurf. Die stap op het so 4 ure en 40 minute geneem en die afstap was net so oor die 3 ure. Die hoogte bo

see-spieel het ons geskat is in die Tafelberggorde. Heerlike bergwater, pragtige wildernis asook bundu-bashing en goeie geselskap het die stappie 'n baie goeie ervaring gemaak.



5: Aankoms by die oorhang

DAVID CONRADIE